

Oqaasiliortut Ataatsimiinneranni

Ataasinngorneq aggustip 24-ianni 2009

Ilimmarfimmi Oqaasileriffiup ataatsimiittarfiani imaqarniliaq.

Peqataasut: Abia Abelsen, Stephen Heilmann, Eva Møller Thomassen aamma
Carl Chr. Olsen

Allatsi: Marianne Hansen

Peqataanngitsoq/-ut: Ellen J. Karlsen

Elleni nalunaarpoq ullaap tungaani ataatsimiinnissamut pingasunngorneq
tallimannornerlu kisiisa piffissaqarfialugit, ualikkut periarfissaqartuassarli.

Oqaluuserisat:


1. Tikilluaqqusineq:

Carl Christian Olsen tikilluaqqusivoq, nalunaarutigalugulu **klynge-ammunition** kisiat sammeneqassasoq. Sinneri ulloq alla aalajangiiffigineqassapput.

Carl Christian Olsenip, Namminersornermi oqaatsit kalaallisut danskisullu katitat atugaanerit pillugu akuersisimanninnerat, Inatsisartut Allattoqarfiat oqaloqatigisimavaa, tassanilu paasissutissatut Pia Jarvadip nassuiaataa tunniussimallugu. Suli tuttaqaqqissimangillat.

Oqaasiliortunit eqqaaneqarpoq, Inatsisartut piffissami aalajangersimasumi aalajangertariaqaleraat qaqugu kalaallisuinnaq taaguutit atorneqalissanersut.

2. Kingullermik ataatsimiinnermi aggustip 12-ani imaqarniliaq akuerineqarpoq



3. Oqaatsip **klyngeammunition** kiisalu oqaatsit tassunga attuumassutillit kalaallisut taaguusernissaanut suliaassiissut.

Oqaaseq **klyngeammunition** pillugu aalajangiunneqarpoq **amerlasuujusat qaartussiat**. Aalajangiinnermut pissutaavoq amerlasuutut pissuseqartarmata. Oqaaseq imassat/pequtissat oqaatsip “amerlasuujusat” iluaneereermat immikkut ilanngunneqassanngilaq.

Oqaaseq **ammunition** pillugu aalajangiunneqarpoq **patruuni**, tassani peqqutaavoq oqaatsit imassat kiisalu pequtissat allatut isumaqarsinnaasarmata.

Oqaaseq **bombe** pillugu aalajangiunneqarpoq **qaartartoq**, taanna qangali atugaareerpoq.

Oqaaseq **mine** pillugu aalajangiunneqarpoq **qaartussiaq**, tassani nassuiaataavoq arajutsisitsilluni qaartussianngorlugu imaani nunamiluunniit inissinneqartarmat.

Oqaaseq **subammunition** pillugu aalajangiunneqarpoq **qaartussiartaa**, tassani pissutaavoq amerlasuujusat qaartussiat qaartussiartarimmassuk.

4. Allat


Inussiarnersumik inuulluaqqusilluta

Carl Chr. Olsen

Siulittaasoq

Marianne Hansen

Ataatsimiinnermi imaqarniliortoq



Ullormi aggustip 24-ianni ataatsimiinnermi oqaatsit aalajangiussat:

ammunition: **patruuni**

bombe: **qaartartoq**

klyngeammunition: **amerlasuujusat qaartussiat**

mine: **qaartussiaq**

subammunition: **qaartussiartaa**